

Sakspapir

Saksnr	Utvalg	Type	Dato
074/20	Formannskapet	PS	27.05.2020

Saksbehandler	Arkiv	ArkivsakID
Ketil Tjore	FA-U62	20/76

Alkoholpolitisk plan 2020 - 2023 - Austrheim kommune

Vedlegg:

Plan Austrheim utgåve før referansegruppa
alkoholpolitisk-plan-før-høyring

Framlegg til vedtak:

Alkoholpolitisk plan for Austrheim kommune 2020-2024 vert lagt ut til offentleg høyring.
Høyringsperiode er sett til 6 veker.

Formannskapet - 074/20 - 27.05.2020

FS - behandling:

Sakshandsamar Ketil Tjore orienterte om saka.

Handsaming i formannskapet:

Samrøystes for rådmannens framlegg til vedtak.

FS vedtak:

Alkoholpolitisk plan for Austrheim kommune 2020-2024 vert lagt ut til offentleg høyring.
Høyringsperiode er sett til 6 veker.

Saksopplysninger:

Bakgrunn

Kommunen er pliktig å ha utarbeidd ein alkoholpolitisk plan, jamfør Alkolhollova § 1-7d.

Det er kommunestyret som tildeler sals- og skjenkeløyve, og desse varer i fire år med fornying seinast 30. september i året etter val av nytt kommunestyre. Det er mogleg å gje forlenging av dei eksisterande løyva i kommunen med fire nye år, men det krev at kommunestyret har tatt ein gjennomgang av alkohol- og bevillingspolitikken, som i denne saka.

Dersom formannskapet den 27. mai vedtek å leggja planen ut på høyring i seks veker, kan den så

komma tilbake til formannskapet den 20. august, og gå til vedtak i kommunestyret 17. september. Då vil det i same møterekke 20. august/17. september vera mogleg å forlenga eksisterande sals- og skjenkeløyve med fire år, til og med 30. september 2024.

Eller formannskap og kommunestyre kan bestemma at dei som har løyve må søka på nytt, med ny vurdering av vandel, innhenting av uttale frå Politi og Nav, med meir.

Vår nabokommune Alver har delt sin plan med oss i Austrheim, og såleis spart oss for mykje arbeid. I tillegg er det uansett heldig at ein del av sals- og skjenkevilkåra er like mellom kommunar som ligg attmed kvarandre.

Vurdering

Endringane som er gjort no er kun mindre, med mindre justeringar er dette eit framhald av dagens sals- og skjenketider.

Justeringar i skjenketidene: I gjeldande alkoholpolitiske plan i Austrheim er det forskjell på kor lenge ein kan skjenka utover kvelden(natta), alt etter om det er fredag/laurdag eller andre dagar. I utkastet som ligg føre no, er dette likt for alle dagar i veka. Skjenketida vert då samsvarande i ein stor del av regionen, og lettare å forstå for gjestene. I tillegg er det også enklare for serveringsstadane, som til dømes vil ha lik skjenketid på ein bevegeleg heilagdag, uansett om dette skulle vera ein torsdag eller fredag.

Alver legg no opp til å fjerna restriksjonar mot å selja alkohol på valdagen. Dette tok Austrheim vekk ved førre revisjon, etter ei endring som var gjort i alkohollova. Denne regelen vert no likare for regionen.

I dagens plan er sal av alkohol i butikk avgrensa til tidsrommet 09.00 til 15.00 på påske-, pinse-, jule- og nyttårsafta. I den nye planen er dette utvida med ein time til 09.00 til 16.00. Endringa er i tråd med dei endringane som er gjort nasjonalt i etterkant av Granavolden-erklæringa, der Vinmonopolet får utvida si salstid med ein time på laurdagar, til klokka 16.00.

Vedlagt ligg også planen for perioden 2016-2020, for samanlikning.

Konklusjon

Alkoholpolitisk plan for Austrheim kommune 2020-2024 vert lagt ut til offentleg høyring. Høyringsperiode er sett til 6 veker.